

# Коммунае СЮРЕС

ВКП(б)-лэн Балевино Райкомелэн но РИК-лэн газетсы  
21-тй апреле 1939 аре № 33 (740)

## Бордгазет'ёслэсь ужзэс вылэ жутоно

ВКП(б)-лэ 18 с'ездэз, кудйз утвердить кариз куньметей Сталинской Пятилеткаез, сельской хозяйстволэн азыпа-лаз бадзым задачаосты быдэстынй пуктыз.

Со задачаосты быдэстонын колхоз'ёсысь бордгазет'ёслэн но рабселькор'ёслэн рользы туж бадзым. Нырысь ик соослэн задаказы— колхозник'ёсты но колхозницлосты ВКП(б)-лэн 18 с'ездэлэн материал'ёсыныз тодматскытыны. Бордгазет'ёслэн задаказы— колхозник'ёслы, колхозницаослы куньметей Сталинской Пятилеткалэн нимыныз социалистической соревнование пырыськыны юрттыны, чтобы коть-куд колхозник, колхозница социалистической соревнование пырыськыса, мед быдэс'ялоз аслэсьтыз басьтэм обязательствооссэ но мед добитыся карыськоз аслыз сельскохозяйственной выставкаын участвоват карыны право басытыны.

Жоген колхоз'ёс тулыс ю кызыны кутскозы ни. Бордгазет'ёслы но рабселькор'ёслы соку тулыс ю кизёнэз вакчи дыре но образцово ортчылтон понна нюр'яськоно луэ. Бордгазет пыртй возматонно бригадоаслэсь звеноаслэсь, стахановец'ёслэсь, стахановкаослэсь умой ужзэс, передать кароно соослэсь ужам опытсэс мукет'ёсылы бригадоаслы, звеноослы но нимаз-нимаз колхозник'ёслы но колхозницаослы. Бордгазетлы вис карытэк прогульщик'ёсын, колхознэй производствоез дезорганизовать карысьёсын, сельхозартельлэсь уставзэ тйясьёсын нюр'яськоно. Критикаез но самокритикаез кышкатэк паськыт вълмытыса, колхозын большевистской порядокез пуктон но трудовой дисципли-

наез юнматон понна бордгазет'ёслы нюр'яськоно луэ. Бордгазет соиз умой луэ, кудйз шонер пуктэ аслаз ужаз колхоз'ёслэсь волнующей вопрос'ёссэс но гожтэм материал'ёс'я нюр'яське соослэн действенностьсы понна.

Но асьмелэн районоамы бордгазет'ёс сыче требованиосты уг быдэс'яло. Тросаз колхоз'ёсын боргазет'ёсты али прочсэ уг поттыло, кудаз нош потто ке но мылзы потэм'я гинэ потто. Кылсярысь, Ворончиха, Подборново, Дениспи, Победа, Уварсем колхоз'ёсын но мукет'ёсаз 1-тй январысен одйг номер нэ өз на поттэлэ.

Бордгазет'ёслэн ляб ужамзы со пумысен но луэ, что ВКП(б) райком но тужгес ик „Коммунае сюрес“ газет ласянь бордгазет'ёсын кивалтон уж ляб пуктэмын. Со сарысь рабселькор'ёслэн али ортчем слэтазы но лус'емын вал.

Таин валче ик вань бордгазет'ёс умой ужало. Кылсярысь, Нырысетй Воегурт колхозын туэ 1-тй январысен 6 номер поттэмын ни (редакторез Л. Ф. Корепанов). Озы ик бордгазетлэн ужез умой Замятево колхозын но пуктэмын (редакторез М. Дерендяев), куд'ёсыз али тулыс ю кизён дыр'я газетэз поттылыны дасясько.

Тулыс ю кизён дыр'я ваньмаз колхоз'ёсын бригадной газет'ёс организовать каремын луыны кулэ. Сое луд вылын, борозда дурын поттоно. Соку б о р д г а з е т э з н у н а л л ы быдэ поттылыны сюлмаськоно. Со ужез возглавить карыны нэ отын активно участвоват карыны кулэ нырысь ик колхоз'ёсысь активлы но первичной партийной комсомольской организациослы. Соос ласянь бордгазетлэн ужаз нуналмысь юртэз сётэмын луыны кулэ.

Мястковской МТС (Крыжопольской район, Винницкой область, УССР), тулыс кизён азелы выль отряд егит тракторист'ёсты лэзе.



Суред вылын: тракторист'ёсты дасян курсы дышетскись отличница О.И. Соляр

## Кыед поттон планзэ мултэсэн тырмытйз

Кестым колхоз туэ луд выль кыед поттон планзэ 300 процентлы тырмытйз. Кыед ваньмыз план'я 5359 дбды интйе, 15630 дбды поттэмын. В.П.

## Клевер кидыссы окмымон

Наговицыно сельсоветысь колхоз'ёс тулыс кизён азелы умой дасясько. Кылсярысь, Чуялуд колхозлэн клевер кидыс'я планэз мултэсэн тырмытэмын. Озы ик клевер кидысэз окмымон Наговицыно колхозлэн но. Т а т ы н план'я 4,05 центнер интйе, 4,30 центнер клевер кидыс кисьтэмын.

Клевер кидыс кисьтон'я ужез Бурино колхозлэн умой. Бурино колхоз туэ ваньзэ 22 центнер клевер кизёз.

Л.

## Массовой уж" уг нуыськы

Б-Варыж колхозын колхозник'ёс пёлын культурно-массовой уж прочсэ уг нуыськы. Татын колхозник'ёс газет но уг басьто. Почтовой агент А.Е. Ворончихин газет'ёсты вёлдон сарысь уг сюлмасько. Чирков.

## ВКП(б)-лэн XVIII с'ездэзлэсь решени- оссэ масса пöлы

1939 аге 17-тй апреле парт-кабинетын агитатор'ёслэн дас нунал'ем курсы ортчиз. Ваньмыз отын агитатор'ёс 24 мурт дышетскизы. Курсэз ортчем агитатор'ёс пöлысь В. Л. Тютин (Турецкой сельсовет), К. И. Русских (Оросовский сельсовет) но мукет'ёсыз, котхозник'ёс пöлын мыльсь-кыдысь агитационно-массовой ужез нуо. Али ссос колхозник'ёс пöлын ВКП(б)-лэн XVIII с'ездэзлэсь материал'ёссэ изучать каро, индивидуальной беседаос ортчыт'яло.

Районамы ваньмыз агитатор'ёс 500 мурт лыд'ясько. Нош соос пöлысь туж тросэз агитационной ужез нуыны али но умсй-умой öз на кутскелэ соин, что соослы ужаны сельсовет'ёсын парторг'ёс но агитколлектив'ёслэн кивалтйсьёсы уг юртто, (Бурино сельсоветысь И. Я. Микешкин, Самсонов но мукет'ёсыз).

Туннэ нуналлы ВКП(б)-лэн XVIII с'ездэзлэн материал'ё-

сыз'я сельсовет'ёсын, колхоз'ёсын доклад'ёс, беседаос но шара лыдзон'ёс 342 пол ортчыт'ямын ни, озы ваньзэ с'ездэзлэсь материал'ёссэ изучать каронэн районамы 14400 мурт охватить каремын, кудйз означать каре 50 процентлы гинэ, нош кылемэз население 50 процентэз ВКП(б) лэн с'ездэзлэн решениосыз сярысь прочэ öз на кылылэ.

Парторг'ёслы, комсорг'ёслы, агитколлектив'ёслэн кивалтйсьёсызы, сельсовет'ёслэн, колхоз'ёслэн но предприятиослэн председателёсызы агитационной ужез паськыт вöлмытыса, ВКП(б)-лэн XVIII с'ездэзлэсь материал'ёссэ массаосын мур изучать карон борды кутсконо. Тулыс ю кизёнын куиньметй Сталинской Пятилеткалэн нимыныз нима социалистической соревнования, Сталинской призыве пырськоно 8 миллиард пуд нянь басьтыны понпа.

Соковикова.

## ВКП(б)-лэн с'ездэзлэсь материал'ёссэ изучать карон ляб мынэ

Подборново колхозын ВКП(б)-лэсь XVIII с'ездэзлэсь материал'ёссэ изучать карон ляб мынэ. Татысь избач Н.С. Русских со ужез умой организовать карыны уг сюлмаськы. Одыг пол со Сталий эшлэсь докладэз изучать карон дыр'я калыкез вальктыны юыса лыктэм. Соку

ужез солэн номере но öз ни пöрмы, пукон интйяз ик умме усиз.

Озы ик солэн ужез избачитальняын но ляб нуыське. Избачитальняысь көс бордборд'ёссэ гинэ адзёно луэ, одыг плакатэз но лозунгез но öвл.

М. Волков, М. Касаткин.

## Картовка кидыс дасянэз вакчи дыре быдэстоно

Картовка мерттон азелы дасяськон бадзым хозяйственно-политической значение иметь каре. Та уж борды кудйз огез колхоз'ёс мыльсь-кыдысь кутскизы. Оросово сельсоветысь колхоз'ёс мерттыны картовка кидыс дасьтонзэс быдэстйзы ни. Озы татын картовка кидыс дасьтон планзы 127 процентлы тырмытэмын. Бозгон сельсоветлэн 144 процентлы.

Таин чош ик вань кудйзогез сельсовет'ёс, колхоз'ёс, куд'ёсыз картовка кидыс дасьтон планзэс али но öз на тырмытэлэ. Пыбья сельсоветлэн верам планэз 38 процентлы гинэ тырмытэмын, Кестымской сельсоветлэн 26 процентлы. Та ужез быдэстыны умой-умой кутскытэк уз луы.

Ворончихин.

## ФОМИНЫХ УРОД ВУЗКАРЕ

Н-Волково сельполэн продавец С.Н. Фоминых тодмоя вузкаре. Трос дыр'я со юзменыз вузкарыны но уг быгаты, лавказэ пытса но кошке. Со-

ку вуз басьтыны лыктэм калык лавкаысь берен вузтэк кошконо луо.

С. Корепанов, В. Корепанов

## Польшаын германской агент'ёс

Варшава. (ТАСС). Германской агент'ёслэн ужзы Польшаын паськыт но паськыт луэ Польшалэн вань интыосысьтыз ик вуыло сведениос польской фашист'ёслэн но германской агент'ёслэн подрывной уж'ёсы сярысь. Фашист'ёс польской калыкез кышкатыса вераськон'ёс вöлмыто. Печате поттэмын германской агент'ёсты арестовать карем сярысь сводкаос.

Польской телеграфной агенство (ПАТ) ивортэ, что та берло дыре Лодзь городэ антипольской литература трос вуэмын шуыса. Польской но немецкой кылын потгэм литература вуэ Берлинсь, Мюнхенсь, Гамбургсь но Штутгартсь. Та литератураез почтаен шара ыс'яло польской немец'ёслы, даже поляк'ёслы но.

Поморской воеводстволэн пограничной район'ёсаз поляк'ёс но немец'ёс-фашист'ёс кустын столкновениос чем луыло шуыса ивортэ.

Кысырысь, Пиртенцины но Рывалдзик гурт'ёсын поляк'ёс немецкой фашист'ёслэсь собранизэс уллязы. Фашист'ёс отын фашистской гимнэз кырзалэ вал. Поляк'ёс фашист'ёслэн собраниос ортчыт'ян коркаосыстызы укноос сөрылызы.

## АЛБАНИИНЫ ПОЛОЖЕНИЕ

Париж, 11 апреле. (ТАСС). „Эвр“ газетлэн ивортэмез'я, Албание итальянской войскаосты люкан дугдылытэк мынэ. Гуццони генераллэн командовать карем улсаз али Албаниын 100 сюрслэсь трос итальянской солдат'ёс лыд'ясько ни. Валонасэ но Дураццое итальянской моторизированной частьёс вуо. Валле генерал Албаниын итальянской авиационной кужым'ёсын командовать каронэз ас вылаз басьтйз, та кужым'ёсын куинь бадзымесь соединениос.

„Фигаро“ французской газет Тиранаысь басьтэм ивортэ публиковать каре, кудаз шуыське, что толон лумбыт 200 итальянской транспортной самолет'ёс Италия но Албания кустын чик дугдылытэк лобазы.

Редактор В.М. Максимов.  
Поттись райисполком